

Rapport sur la 19avla e 20avla redunonza della Romania

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **15 (1915)**

PDF erstellt am: **28.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

romontscha. Clau leva ge sededicar totalmein a siu survetsch, alla penibla e difficila scrutaziun de nies Idiom vernachel. Lein sperar che sia lavur, il product d' in liun e conscienzius studi, compari gleiti en ina u l' altra revista linguistica e che nies Ischi sappi era rapportar silmeins in quart extract dil resultat final de sia meriteivla scrutaziun.

Il bien Clau ruaussi en paisch! D.

Rapport

sur la

19 avla e 20 avla redunonza della Romania.

La dieta della Romania a Trun ei, sco il liug festiv gia laschava sperar nuot auter, stada ina fiasta veramein populara e patriotica.

Ils 10 d' Uost 1913 allas 11 avon miezdi ein ils activs ed in triep passivs seredunai el hotel Tödi per regular las fatschentas internas. Il president Alois Decurtins beneventescha ils presents ed igl actuar Max Coray legia avon il protocoll della davosa redunonza a Casti, il qual vegn approbaus.

Udius aunc il rapport sur las finanzas vegn dilucidau la domonda sur ina carta postala de re-

clama della Romania e priu in conclus de cun caschun schar elaborar in proiect d' in bien pictur.

Concernent in secund monument per Muoth, ultra della gia fundada tabla commemorativa a Breil, manegia il Rev. Sgr. Plevon Caminada de bein mantener l' idea, mo cun riguard sin inopportunitats de plazzament ad interim suspender l' execuziun, entochen ch' il temps madireschi la caussa.

Cun medema caschun ventilescha Sgr. plevon Caminada la bial' idea de edir in' elita dellas poesias romontschas de Muoth en squetsch separat illustrau. Ponderada vegn era ina proposiziun de ornar igl englar entuorn igl Ischi a Trun cun tablas commemorativas en honor de destingui poets e scribents romontschs.

Sco liug de redunonza per 1914 vegn destinau Mustér ne Tujetsch, surschond al comite la decisiun. El niev comite vegnan elegi: Stud med. Oscar Desax, Trun, presidi; Stud. Stan. Deplazes, Surrein, vicepres; Stud. Venzin B. Selva, actuar; Plev. Chr. Caminada, Trun, e prof. Dr. Purtscher, Cuera, commembers.

Allas 2 s. m. ha la musica de Trun compignau ina gronda roscha pievel, vegnius ord tuttas parts della tiara romontscha, tier la nova casa de scola; gleiti ei la vasta sala stada emplenida. «Grischun ei miu num,» resun' ei dal stupent chor viril giud il podium. Il president beneventescha ils umens romontschs cun plaids fervents. In spe-

cial beinvegni cloma el tier al hosp. engiadines, Sgr. Peider Linsel. Viv applaus anfla igl instructiv ed interessant referat de Sgr. Maior P. Vincenz: «sur la historia de Trun e contuorn.» Ei vegn exprimiu il giavisch, che quei oreifer studi vegni surdaus alla stampa.

Silsuenter serenda l' entira raspada de pievel tier la caplutta de s. Onna per portar in' ovaziun patriotica al vegl ischi, nies custeivel monument historic. «Sin tiara sontga stat a Trun in vegl ischi» conta il chor viril. Stud. Jos. Desax pren il plaid tier ina allocuziun patriotica plein fiug e forza. Cun tgau scuvretg e cun cor commuentau conta silsuenter giuven e vegl nies himni nazional: «A Trun sut igl ischi.» Quei ei stau in moment impressionont, adataus per augmentar ed infirmir el cor dil pievel romontsch la carezia per sia tiara e siu lungatg.

L' ulteriura part dil di ei vegnida unfrida ad ina libra reuniun hilarica el hotel della cruna, nua ch' ei 'gl ei vegniu sedivertiu sut interessantas peroraziuns e produenziuns en poesias cant e musica.

Venzin B. stud. Theol.

* * *

Il sگردins d' uiara e la mobilisaziun de tut noss' armada svizzera, il disturbi caschunaus cheutras en tut la veta civila han impediù la Romania de tener sia redunonza prevedida per 1914. Il comite ei restaus en funcziun era per igl onn

suondont. L'ediziun digl Ischi, che stava gia en preparaziun, ei vegnida retardada sin temps pli ruasseivels.

* * *

Era per 1915 ha il comite della Romania en sia redunonza dils 23 d'Uost a Mustér vuliu abstrahar d'ina redunonza publica, secuntentond cun ina semplia sessiun interna dils commembers activs e honoraris. Quella ha giu liug a *Mustér*, ils 30 de *Uost*. En las tractandas ei puspei specialmein l'ediziun della carta postala e d'ovrettas ord la literatura romontscha vegnida discussionada e surschada al comite per definitiva decisiun. La redunonza de 1916 duei haver liug u ella Foppa ne a Tujetsch. Il *redactur* prof. P. Tuor e *cassier* scolast Baseli Giger vegnan confirmai. — Il *comite* vegn componius sco suonda: president: stud. phil. Stanislaus Deplazes de Surrhein-Sumvitg, commembers activs: stud. med. Gieri Matiu Cathomas, Domat, vicepresidente, stud. jur. Gius. Condrau, Mustér, actuar; commembers honoraris: plevon Crest Caminada, Trun, Dr. jur. Victor Castelberg, Mustér.

Sin las tractandas ha suondau ina viseta alla baselgia de S. Gada cun in referat de P. Notker Curti, ed ina reuniun intima dedicata alla hilaritat ella salla de dertgira dil hotel Bellevue.

* * *

Rapport della cassa:

Facultat per 1912:	852 fr. 80
Deficit de 1913 e 1914	54 fr. 17

Resta facultat netta per 1915 798 fr. 63

(Deponi en in libret de spargn della Banca cantonala.)

Il deficit de 1913/14 ei vegnius caschunaus tras l'ediziun digl «Ischi» XIV., il qual ei staus quasi de dubel volumen viers las anteriuras annadas. Ils quosts de stampa ein aschia vegni alzai sur il prezi de vendita. Perencunter ei ludeivlamein quell' entira ediziun de 600 exemplars totalmein consumada e l'annada XIV gia fetg tschercada. — Entginas annadas «Ischi» de plidavon san aunc vegnir retratgas dagl archivariat della Romania a Mustér e vegnan cauldamein raccomandadas.

